

gen (der nun mehr als worden war) wegen des Berggehendens zu Scharffenberg
 irrig worden/ welcher gebrochen vnd zweyspalt entlich durch Wenceslaum König
 in Böhmen/ des Marggraffen Schwager vertragen worden.

Bergwerck
 zum Scharffenberg ver-
 terbet wor-
 den.

Im Jar 1429. im Herbst/ als die Behmen Hussiten durch Meyssen bis
 gen Magdeburg gestreiffte / vnd sonsten grossen schaden vberall gethan / haben sie
 auch das Bergwerck zum Scharffenberg verterbet / die Schächte eingefüllet / die
 Stollen eingehawen vnd verworffen / damit die Leute keinen nutz mehr dauon ha-
 ben könten.

So viel hab ich von den ersten Bergwercken in Meyssen zusammen bringen
 können / vnd hieher setzen wollen.



Von den folgenden Meyssi- schen Bergwercken / so nach dem Freybergischen vnd Scharffenbergischen auffkommen oder sonsten in ei- nem beruff gewesen / bis auff den Schnee- berg.

Der III. Tittel.

Die Berg-
 werck am
 Walde.



Witer seind von dem Freybergi-
 schen vnd zum theil daselbst vmbliegenden
 Bergwercken / hernach folgende die andern / droben an
 vnd gegen dem Walde gelegen / mit der zeit nach eins
 ander auffkommen / als Erbersdorff / Geyer / Thumb/
 Etschopa / Wolckenstein / Hoheforst bey dem Schneeb-
 berg / Aldenberg / Glashütten / Trapenawer / Mückens-
 berg / Scheibenberg / Lehnitz Elterlin / Hohenstein bey
 Waldenburg / vnd andere mehr des orts herumb. Es sa-
 lich auch der Schneeberg / welcher den vorigen allen / nicht allein den nahe vmblie-
 genden / vnd in diesen / sondern auch in allen andern Ländern den beruff genommen/
 vnd nach welchen hernach die erfindung vnd zunemen mehr beruffener vnd statli-
 licher Bergwerck gefolget sind. Vnd erstlich wiewol sonsten gar wenig von vns-
 fern Bergwercken ferner zu finden / ist mir doch eines alten Brieffs Copie durch D.
 Johan Moninger zugeschickt worden / darinnen eines Bergwercks / der Blich-
 berg genant / gedacht wird / welches wie aus denselben zusehen oder abzunemen / in
 die Herrschafft Colditz (damals) mus gehört haben. Zu mehrer nachrichtung /

Waldsberg.

T. 492

will